

– Չարմանայի՛ է այդ բախտ ասած բանը, ասում եմ, նա մի հրեշաուր կնիկ է, երկու երես ունի, մինը առջեւից, միւսը ետեւից: Առջեւի երեսը թարմ եւ գեղեցիկ է՝ միշտ ժպտող աչքերով, նրանցով նայում է իր սիրելիներին միայն: Ետեւի երեսը հնացած է, լի խորշոմներով, որպէս մի զգոելի պառաւի դեմք. մի հատիկ աչք միայն ունի մռայլօտ ճակատի վրայ, այն եւս կոյր...: Նա մի՛շտ դարձնում է դեպի ինձ այդ չարանենգ դեմքը իր սարսափելի խորշոմներով, եւ ես միշտ լսում եմ նրա ցամաք եւ գունաթափ շրթունքների միջից այդ խօսքերը՝ «դու ինձանից ոչ մի բարիք մի՛ սպասիր»...

Նա ընդհանուր լռութիւնից յետոյ շարունակեց, իսկ այժմ ակնաւոր խոսքով ձայնով.

– Ասում եմ՝ մեր ժամանակներում հրաշքեր չեն լինում, հրաշք չէ՛, բա ի՞նչ զահրումար է, միանգամից – երկու որս...

Այժմ հասկացայ, որ կիսախելագար Սազոյի խօսքերը կծու ակնարկութիւններ էին դեպի ինձ եւ դեպի Մարօն:

– Ի՞նչ ես ուզում ասել, – հարցրի ես:

Նա պատասխանեց ակնաւոր վրդոված կերպով.

– Հա՛, երկու որս, մինը դաբանը, միւսը՝ Մարօի սիրտը...

Նա արտասանեց այս խօսքերը այնպիսի մի յանգով, որ իսկոյն գրգռեց իմ բարկութիւնը: Նա առանց ուշադրութիւն դարձնելու, շարունակեց.

– Ախար Մարօն էլ փոքր դաբան չէ... նրան որսալը՝ ահա այդ է քաջութիւնը:

– Եթէ դու կը շարունակես այսպիսի յիմարութիւններ դուրս տալ, դու կը դառնաս երրորդ որսը... – ասեցի ես եւ արդէն մերկացուցած խենջարը իմ ձեռքումն էր:

– Միթե՞ արժէ կռուել այն վայրենի կատոյի համար, – մեջ մտաւ Ասլանը, որ նոյն ընկերին մօտեցաւ մեզ:

– Աա՛յ, երեւի քե՞զ էլ է ճանկոռտել... – դարձայ ես դեպի Ասլանը ակնաւոր բարկութեամբ:

Նա ոչինչ չպատասխանեց:

– Պետքէ կատոյի հետ կատու լինել եւ նրա ճակատից ազատ մնալ... – պատասխանեց Սազօն բոլորովին վրդոված կերպով:

– Եթէ ոչ, շան հետ մնում է նա միշտ անհաշտ...:

– Ամօ՛թ է, տղերք, – ձայն տոեց Կարօն եւ կայծակի արագութեամբ խլեց իմ ձեռքից խենջարը: